

## PROPOSTA DE RESOLUCIÓN SOBRE A CONCESIÓN DE AMPLIACIÓN DE PRAZO PARA A EXECUCIÓN E XUSTIFICACIÓN DOS EXPEDIENTES CORRESPONDENTES Á SUBMEDIDA 19.4A (GASTOS CORRENTES)

### MEDIDA 19 (LEADER) DO PDR DE GALICIA 2014-2020

#### CÓDIGO DE PROCEDEMENTO MR701D

#### ANUALIDADE 2020

##### I.- Antecedentes

O 04/05/2020 o director xeral da Agader emitiu as resolucións sobre a autorización aos GDRs para os gastos correntes ou de funcionamento (submedida 19.4A) e para a autorización do importe máximo para gastos de animación (submedida 19.4B), con cargo á anualidade 2020.

O prazo para a execución e xustificación dos gastos correntes ou de funcionamento (submedida 19.4A) recollido na citada resolución do 04/05/2020 do director xeral da Agader fixouse no 30 de outubro de 2020.

##### II.- Fundamentos legais e técnicos

- Acordo do Consello de Dirección de Agader do 10 de febreiro de 2016 polo que se aproban as bases reguladoras para a selección de estratexias de desenvolvemento local, para a selección e recoñecemento dos grupos de desenvolvemento rural como entidades colaboradoras na xestión da medida Leader de Galicia e para a concesión da axuda preparatoria, cofinanciada co Fondo Europeo Agrícola de Desenvolvemento Rural (Feader) no marco do PDR de Galicia 2014- 2020, e se convoca o correspondente proceso de selección, publicado mediante a Resolución do 11 de febreiro de 2016 (DOG núm. 42, do 2 de marzo).

-Acordo do Consello de Dirección da Agader do 16 de novembro de 2016 polo que se resolve a convocatoria sobre a selección de estratexias de desenvolvemento local e de grupos de desenvolvemento rural como entidades colaboradoras na xestión da medida Leader de Galicia, así como sobre a concesión da axuda preparatoria, cofinanciada co Fondo Agrícola de Desenvolvemento Rural (Feader), no marco do PDR de Galicia 2014-2020.



- Convenios de colaboración do 13 de decembro de 2016 entre a Axencia Galega de Desenvolvemento Rural (Agader) e os grupos de desenvolvemento rural seleccionados, mediante acordo do 16 de novembro de 2016 do Consello de Dirección de Agader, para a aplicación dunha estratexia de desenvolvemento local na medida Leader de Galicia, cofinanciada co Fondo Europeo Agrícola de Desenvolvemento Rural (Feader) no marco do PDR de Galicia 2014-2020.

-Acordo do Consello de Dirección de Agader do 13 de decembro de 2019 polo que se aproban as bases reguladoras para a concesión de axudas ao abeiro da medida 19 ( LEADER), cofinanciadas con FEADER no marco do programa do PDR de Galicia 2014-2020, publicado mediante a Resolución do 13 de decembro de 2019 (DOG núm. 246, do 27 de decembro de 2019).

- Resolucións do director xeral da Agader, do 04/05/2019 sobre a autorización aos GDRs para os gastos correntes ou de funcionamento (submedida 19.4a) e para a autorización do importe máximo para gastos de animación (submedida 19.4b), con cargo á anualidade 2020.

- Resolución da directora xeral da Agader, do 6 de outubro de 2020, pola que se modifica a data final de xustificación de investimentos correspondentes á anualidade 2020, de xeito que se amplía ata o 30 de outubro de 2020.

-Lei 39/2015, do 1 de outubro, do procedemento administrativo común das Administracións públicas (BOE núm. 236, do 2 de outubro), que prevé a ampliación de prazos no artigo 32.

-Acordo do Consello de Dirección de Agader do 11 de xullo de 2013, que se publicou mediante a Resolución do 24 de xullo de 2013 (DOG núm. 148, do 5 de agosto), sobre delegación de competencias.

Tendo en conta que se constatan problemas de liquidez nos GDR, derivados de certo atraso na realización dos pagamentos a conta que derivan da xustificación dos gastos correntes (submedida 19.4A) por parte dos GDR, o que dificulta a realización dos pagamentos xustificativos nas sucesivas certificacións; que estes problemas de liquidez por parte dos GDR afectan tamén á xustificación dos expedientes de animación que aínda están en prazo de execución e xustificación, que á data de hoxe aínda non finalizou o prazo de execución e xustificación de ningún dos expedientes obxecto desta prórroga; así como que a concesión da mesma non excede da metade do prazo inicial de execución e de xustificación inicialmente concedido e que con elas non se prexudican dereitos de terceiros., cúmprense as condicións do artigo 32 da citada Lei 39/2015 para a concesión da prórroga de que se trata.

En consecuencia,



## PROPOÑO:

1. Emitir, de oficio, resolución de ampliación do prazo para a execución e xustificación dos gastos correspondentes á submedida 19.4A (gastos correntes dos GDR), que foron autorizados para cada GDR, mediante resolución do director xeral da Agader do 4 de maio de 2020. O prazo para a execución e xustificación dos citados gastos pasará a ser o 15 de novembro de 2020.
2. Notificar a resolución pola que se concede a ampliación do prazo de execución e xustificación aos interesados.
3. Publicar a resolución na páxina web de Agader.

Santiago de Compostela,

O subdirector de Relacións cos GDRs

Por suplencia (Resolución do 04/02/2020)

O subdirector de Mobilidade de Terras

Asdo.: Alejandro Sánchez de Dios

(sinatura electrónica)

Tendo en conta o anterior,

## RESOLVO

Aprobar a proposta do subdirector de Relacións cos GDR nos seus propios termos.

Santiago de Compostela,

O Consello de Dirección de Agader

(P.D: Acordo do 13/12/2019)

A directora xeral da Agader

(asinado electronicamente)

Inés Santé Riveira

